

王焱
編

日本漢文學百家集

216



北京燕山出版社

王焱 主編

日本漢文學百家集
216



北京燕山出版社

第二一六册

静寄軒集 十七卷 尾藤二洲 著

.....

靜寄軒集

靜寄軒集卷之一

伊豫 藤孝肇志尹 著

詩

靜寄東軒詩

靜寄東軒本靖節停雲詩中句也取以名齋

因賦三章

靜寄東軒于古尚友尚友是誰江左之叟引觴獨歎
我生曷後

遠思江南靜寄東窻江永可方彼叟難逢引觴獨健

松菊之叢

松菊方滋載灌載吟江水淪漪孰識其深引觴延佇
悠邈我心

剛陽詩

剛陽賀小瀨氏生子也

剛陽其性義方其教男兮男兮豈獨形貌長而有遂
神祐尔孝

教以義方成其剛陽男兮男兮生在其牀教而有成
家介其光

麴溪詩贈服部佑甫

麴溪書院新落爲賦三章美之

麴溪之水汪洋其引彼洛之流於焉不盡

麴溪之水澗其盈兮彼洛之源受見其清

逝者如斯誰知其源我思古人流風斯存

贈賴千齡

年齡時爲竹原書院
長乞詩賦此贈之

竹原之庠其竹青青誨此子弟躬自塩生繼之者誰

賴氏千齡

竹原之庠其竹翳如斯晨斯夕鼓琴讀書教以有成

蕩蕩其間

竹之苞矣何材不茂風夜克勤教以有就有就洵美
誰拔其秀

流水亭詩

盈斜而進成章而達流水有原混混其末吁吾無成
老子優游髮之種種澗水有羞水哉水哉何以寫愛

有山

有山思隱士也超然高舉不
可以親故思之而作是詩也

有山其高有華其芳斯山斯華在天一方吾徃游之

于以徜徉

高峻斯山幽蔚斯華吾往游之路阻且遐
寤寐云何

仰彼高峻思彼幽蔚吾往游之爰慰爰止斯山斯華
悠悠我思

新居元日得梅字

庚子

卜築當殘臘新居歲亦來牀方聞鳥起門始逐人開
纔種數竿竹未移一樹梅不知求友者現晚被誰催

元日立春

曉雞鳴未罷鄰舍燧聲傳春酒斟霞處東風解凍邊

試毫依舊癖開曆愧新年時已供改杖頭安掛錢

木公翼來訪得中字

大江春色漸將融早見寒威去北中十里汀洲淫雨
散萬家簾幕暖烟通新居宜得新詩寫奇事還延奇
客同莫厭佳肴無佐酒微醺閑咏向東風

送松生之兵庫

兵庫津頭曾繫舫舊都餘韻異風烟送君今日感何
極石馬春寒芳草邊

漫興

孟春詩景一何工
斯趣恨難與世同
芳草有情隨細雨
垂楊無力倚輕風

書懷

休歎事業未有成
三十四年猶是丁
文詞不讓時人
手行義還羞咄
人名古人勤苦
身未嘗棲遲何
事送年光時人
文詞不足比須
焚牀頭舊詩囊
歲月豈可供優
游駸駸白駒難
復畱鄙哉司馬
題橋志我不願
與此輩儔新居
新年物共改人
身何不易荒怠
大分

剛兮君自脩此氣浩然本不餒

雪朝

春園無一事眠多起自遲似有客呼我堅卧一何宜
驚悟開門迎鶴鷺立者誰雪白裘亦白皎皎使人疑
相看不接語轉奇花時奇佳境不在彼在此雪中枝
笑我初計淺數株為花移

雪夜三省要介至得山字二首

春寒一夜掩虛關偶有友人投我閑掬得門前三尺
雪煎茶因對壁問山

莫道仙鄉不可攀
看來天地非人間
層層積雪春城
夜街屋都爲白玉山

春草

池塘生客思與春共萋萋
寄言蹈青者莫復送馬蹄
松樹篇賀北海片翁六十初度分韻

森森一株松亭亭在孤峯
孤峯高千仞能蟠百丈龍

雲霄凌未盡烟蓋更相重本是雪下傑不斬大夫封
此翁今六十勁節亦難逢願奉千年壽長仰秀色濃
小集賦得古壘野花開分得花字

荒郊不見家往往有芳葩蹄跡畱餘雪血痕蒸斷霞
池浮珠萬顆林沒路三又非是感時客難禁淚濺花

三月朔過飲見宜堂

城頭園古轉嬋娟花樹幾株園石泉萬顆泛珠魚躍
處千枝擎雪鳥棲邊疎簾細細詩中兩曲徑重重杯
裏烟寧道幽情難暢叙永和佳節早相先

池上送春分韻

討盡前村與後村一泓池上弄潺湲東風似解惜春
意落絮飛花吹滿樽

雨中漫成三首

書窻春已盡籬外鳥空啼一日深林雨吟魂獨自迷
陰晴且難定閑事掩柴扉松老井頭蓋苔濃石上衣
酒賜吟裏濕詩思醉中微欲喫黃梅實標然早已稀
鄉人長子潤會浪華諸友於蟹鳥酒樓分韻二

冬

洲頭長夏此相從或擊輕橈或短筇積水雨晴添潦
水遙峯雲起雜奇峯欲酬佳致詩難巧因樂新知醉
易濃贏得滿江殘照景寫爲他日卧遊供

題笠知弟閣叔

因佐江湖遊常伴烟波侶依稀畫圖中獨負夕陽渚

水津泛舟

晚來津口放漁舟隨水逐風移不畱舉得鯉魚未盈
尺蕭蕭一雨過蘆洲

江樓避暑